



Confédération des Travailleurs des Secteurs Public et Privé

5 Nalla Street (Ex 6-10)
Elias Street - Rose Hill
Republic of Mauritius
Tel: (230) 454 9919 / 5 947 3201 Fax: (230) 465 2677
Email: ctssp.unions@gmail.com

21 Octob 2019

A TOU PARTI POLITIK

LALIS Revendication CTSP dan kad election zeneral 2019

1. Reforme Electoral avec proportionnel.

(*pou enkuraz bann zenes ek lezot kuran politik demokratik emerge*)

2. Finansman parti politik

(*dan enn but pou fer disparet "MONEY POLITICS"*)

3. La loi anti-transfuge

(*pou empes ki politik vinn enn business kot sel motivation se servi zot mem au lieu servi lepep*)

4. Limitation mandat Premye Minis ek introduction enn striktir evaluation tou Depite ek Minis

(*pou fer pression psychologic pou bann ki zis dormi dan parlman*)

5. Reget Pension ek Remuneration bann depute a la baisse.

(*Zot bisin usi deklar zot avoir, za bisin pikiye pou transparence*)

6. Liberalisation Television ek introduction Freedom of Expression Act.

7. Introduire **langaz kreol** dan Parlman ek bizin ki bann sosyeté civil a travers bann syndika ek O.N.G ena droit pose bann kestyon ki konsern lintere piblik dan parlmen. Ek bizin diminyé konzé parlementaire.

8. Develop sekter transformation manzé, fruit ek plant entre ligne dan plantation canne.

9. Elimine discrimination dan ledikasyon.

(*Letat bizin pran charge zenfan handicap et Ledikasyon Pre-primaire bizin gratis*)

10. PRB fer enn recommendation saler pou bann employé ki tom sou S.E.N.A (Special Education Needs Authority).

11. Elimine discrimination ant zom ek fam dan travay au nivo saler ek rekritman ek rasiré ki tou sekter economic kuver par enn Remuneration Order.

(*sirtou bann Sekter Servis ek administrative ki employ 80% fam*)

12. Donn formation bann fam pou intégré dan ban sekter dominé par ban zom.

(*Example: Operater dan sekter constriksyon*)

13. Introduction enn “Employment of Foreign Worker Regulation”

(*pou protez travayer etranzé ek servi plis sanksyon kont bann patron ki abuse de bann droit travayer etranzé, li pa normal ki enn patron gagne droit renvoy enn travayer etranze dan so pays sans oken clearance depi Minister Travail*)

14. Construction enn Migrant Worker Resource Centre.

(*One Stop Shop structure de soutien a travayer etranzer*).

15. Introduire enn Regulation lor “Electronic Surveillance”

(*aret servi camera surveillance lor travayer. Aret tret travayer kuma prisonier*)

16. Introdiksyon enn levy lor bann sekter ki pé remplas travayer par automatisation a travers Intelligence Artificielle – Defi Industrie 4.0).

17. Amandman Health and Safety Act 2005.

(par eg. *Bisin ki laloi vinn dir ki Rapor Risk Assessment bisin sumet a Minister et a travayer – pa kapav kan travayer finn mor, lerla pou ale fer fos risk assessment. Lerla bann patron criminal pe backdate bann Risk Assessment pou blanchi zot devant lakur*).

18. Ek bizin demolir tou lakaz cite EDC ki fer ek lamiante.

(*Lev enn fond de Solidarité National kot sekter privé contribiyé pou construire nuvo lakaz*).

19. System de Collecte gratuit pou Electronic Waste.

20. Controle des honoraires de bann professionnel (Docteur, Avocat, Architecte).

(*Bann prix vraiment exorbitant ek tou professionnel bisin offer bann service gratuity “PRO BONO” comme zot social responsibility*.)

21. Pointe de vente gratuit dan tou hotel touristik pou Les Corporative de Femme, ki produire bann produit textile ek lezot artisanat Made in Moris.

22. Deduction impôt pou bann etude tertiaire with no age limit pou encourage la formation ek upgrading of skills.

23. Continuer moderniz nou bann hopital avec bann technolozi de point ek bizin obligatoireman bann Docter fer enn “post work history” de tou patient sirtout kan kapav ena maladi professionnel.

24. Develop Eco-Tourisme pou Mauricien ek Touriste avec access lor bann site ek contruire bann infrastructure necessaire.

25. Detax bann lekipman ek donn formation pou Roof Gardening.

(*Pou grandi lespas vert ek prodiktion manzé*)

26. Met bann terrain abandone (bare land) a disposition dimoune ki interese plant manze.
(Enkuraz developman bann jardin Communautaire pou sirtou bann retraité ek met bann striktir d'echange pou bann municipalité)
27. Enn la loi antigaspiyaz manzé pou obliz lotel, supermarché, restaurant ek planter fer donation manzé avan ki li gaté. Donn bann incentive tel ki refund Tax lor tou produit ki sujet a donation pareil kuma la France sirtou bann ki ale ek O.N.G pou proze sosyal.
28. Introduire enn la loi pou oblige tri ban dechet ek ki donn bann facilité finansye ek taxation pou enkuraz plis entrepriz de recyclage dechets ek usi vieux lekipman ek linge.
29. Construire bann Green Park dan tou region residentiel.
(Bann municipalité ek district council faire acquisition bann terrain pou construire bann Health track).
30. Amene metro de Curepipe a Plaisance ek dan lezot lendroit transversal dan le Nord ek Sud pou ena plis connectivité ek travayer kapav bouge facilman pou al travay n'import kot sa dan Moris ek ouvert li usi a bann person agé gratuitement pou zot epanouissman.
31. Construction ene piscine a Rose Hill ek d'autre region de l'ile.
32. Fer ene projet de reconstruction bazar Rose Hill dan enn projet intégré avec so hawkers palace.
33. Reintroduire obligation met Taxi-Meter.
(ena tro boku abus lor prix par certan Taxi).
34. Elimination emballage plastic ki servi enn sel fwa ek donn facilité ek formation avek enn soutyen finansyé pou retrouv bann tente en vacoas (pandanus) lors marché a enn prix abordab pou consomater.
35. Develop plus energie verte a l'echel domestic par detaxe bann lekipman ek materiel necessaire.
36. Akoz declining birth rate, bizin envisage autorise immigration de bann etranzé pou enn meilleur brassage genetique ek bann lezot mezir support finansyé pou enkuraz bann couple fer zenfant.
37. Introduction enn TVA sosyal a 25% lor bann produit hyper luxe ek bann servis haut de gamme pou finans bann projet communautaire.
38. Ouvert debat national lor usage, cannabis pou usage medicinale ek ale vers enn referendum dan enn projet National, pou enn plan d'action kont proliferation la drog dir ek synthetic ki pe fini nou la zenes.

39. Krée ene tourist road map a travers l'ile ek intégré ban villaz ki specialisé dan bann produit artisanal. (*Ex: Brissee Verdiere kot fer tente*)
40. Creation enn Hawkers Palace ki vann bann produit ek ankuraz pou confection bann produit artisanale made in Mauritius dan sak lavil pou zot gagne enn plas pou travay.
41. Laz legal marriage vinn 18 an pou zom ek fam ek bizin assouplir la loi pu permet bann travayer entreaze ki pe marié ek Morisien . Bizin ankuraz marriage pou ena zenfan .
42. Construire bann Day Care Centre dan sak localite pou pran en charge bann grand dimoune. Bonheur enn personne age pa truv zis dan ogmantasyon pension veillesse mais! Avant tou li bizin sosyalize ek lezot dimoune.
43. Construire bann garderie dan sak localite pou pran en charge bann zenfant en bas age pou facilite bann madam ki bisin travay.
- (Povreté pou kapav reduire kan mari ek fam vinn bann “Bread Earner” dan la famille)*
44. Bizin baisse ban fre bancaire. Zordi bann labank zot profit tro buku. Bisin ena reglementation lor bann fre.
45. N.P.F so scheme finn lapse en 2018. Bizin reget taux contribution dan Plan Pension National pou travayer sekter privé.
46. Contribution dan N.P.F pa kapav pli moins ki salaire Minimal. Dan zone frans contribution pe fer lor salaire de base ki pa finn revise depi 35 ans.
47. Introduire enn Green Space Policy. Dan sak projet immobilier ek dan sak lakor bizin ki dimoune ena lespas vert.
48. La loi bizin plis severe kont traffic ek la vente ban produit animale ki interdit par la loi.
(Ex Commerce la viande torture ki fer dan buku bazaar).
49. Donn ban labours (Scholarship) pou bann etude tertiare vocational pou zanfan ki pa interese ek letude academic mais zot kontan vinn bann artizan. Sa pou ankuraz nuvo métier kuma verrerie, chocolaterie ek lezot.
50. Ogmant grant pou bann malad ki inoperab dan Moris ek bisin ale a letranzer a 1 milion.
51. Ogmant Income Tax de bann dimune ki tous plis ki Rs100,000 par mois par 1%
 (pou ki zot retour tou subside tel ki Gaz, Riz, La Farine a l'Etat parski zot ena moyen pou peye.
52. Fode pa privatiz okenn servis essential tel ki CWA, CEB, Lopital, Ledikasyon ek lezot servis piblik exitant.

**Reeaz Chuttoo
President - C.T.S. P**

**Jane Ragoo
General Secretary – C.T.S.P**